

KELECO organo de Astura Esperanto Asocio

n-ro 34 (5) SEPTEMBRO - OKTOBRO/83

ESTRARO DE A. E. A.

Prezidanto: S-ro Santiago Mulas
Viceprezidanto: S-ro Adonis González
Sekretario: S-ro Luis Muñiz
Kontisto: S-ro Manuel Fernández
Kasisto: S-ro Ildefonso Domínguez
Bibliotekisto: S-ro Julio Argüelles
Gekomitatanoj:
F-ino Pilar Alonso
S-ro Gervasio Colunga
S-ro José Ordieres
S-ro Faustino Castaño
S-ro Antonio Román

ADRESO DE A. E. A.

Str. Enrique Cangas, 25
Telefono, 341918 GIJÓN - 6

ENHA VO

	Folio
Ĉefartikolo	1
Nia anteno.	2
La Verda Komisarejo	4
Epokfaranta Evento.	5
Niaj geamikoj el.	6
Pentroarta Kritiko.	7
Akrostiko.	9
Jes, oni legas nin !	10
Kuirante kun Pilar.	11

La enhavo de la artikoloj (ki tiu publikigita) ne reprezentas la oficialan opinion de A.E.A. Pri la artikoloj do, respondencas la aŭtoroj mem.

PRI LA "JUBILEO" DENOVE

Jes. Mi parolos denove pri la "Jubileo", ĉar temas pri evento, kiu signas gravan mejloŝtonon en la vojo de la Esperanto-Movado. Voje ja malglata, kie Ni, esperantistoj, ofte troviĝas antaŭ malhelpoj kiuj baras ĝin kaj kiuj eĉ okazigas portempan stagnadon de Nia Movado. Kiel plej grava malhelpo elstaras Milito, laŭ atestas la du Mond-Militoj.

La nuntempa esperantistaro, ĝenerale, revenas pri la nedubeble grandioza Universala Kongreso, kiun oni organizos por inde festi la "Jubileon", kaj samtempe sin pretas por ĝin partopreni. Sed...ĉu Ni ĝisvivos la daton de la "Jubileo"?

La lastaj okazaĵoj en la internacia politika vivo nur malbonoj aŭguras, kaj mi timas ke nia Mondo estu denove dronigita en sanga brulofero, kiu pereigos la tutan "civilizacian" realigante veran konflagracian.

Mi opinias, ke la plej grava tasko staranta nuntempe antaŭ la Homaro estas gardi la PACO-n, eviti Militon. La PACO estas afero, kiu tuŝas la tutan Homaron, sendistinge de politikaj ideologioj, religiaj kredoj, haŭtkoloroj, lingvoj, k.s. Antaŭ la problemo pri PACO oni ne povas resti neŭtrala!

Do, la tuta Homaro, sed des pli Ni esperantistoj, devas NEPRE batali por la PACO! Se ni deziras ĝisvivi la "Jubileon"; se ni deziras ke la "nepoj nin benu", Ni konsciigu bone la gravecon de la nuntempa monda krizo kaj agu konsekvence. Okaze de nova Mondmilito, kiu certe temus pri La Lasta Mondmilito, ĉar neniuj postvivus ĝin, al kiu utilis Esperanto, al kiu utilis io ajn...?

Nia Majestro iniciatis Esperanton por disaltigi la lingvajn barojn...inter la popoloj dividitaj... kiel ilo de PACO!

ADONIS.-

NIA ANTENO

De la 21-a ĝis la 25-a de Julio ĉi-jara okazis, en Zaragozo, la 43-a Hispana Kongreso de Esperanto. Nia Asocio estis reprezentata, en tiu Kongreso, per 10-persona grupeto da gesamideanoj, kiuj ekveturis en Zaragozon pervagonare frue en la mateno de la 20-an. En ĉi tiu sama tago okazis la "Interkona Vespero", kiu montriĝis bonaŭgura komenco de nia 43-a Kongreso. Antaŭ ol okazigo de la "Interkona Vespero", estis malfermata interesa "Filatela Esperanto-Ekspozicio" fare de S-ro. Bielsa, kaj prezentata per trafa paroladeto far S-rino Urueña, Prezidantino de nia Hispana Esperanto-Federacio.

La 21-an, je la 9-a h. 30', la HEF-estraro kunsidis kun Delegitoj kaj Reprezentantoj de E-Grupoj. Oni pritraktis diversajn aferojn, tiel pri la 43-a Kongreso mem, kiel pri interesaj temoj kiuj rilatas la estonton de nia enlanda Movado.

Je la 11-a h. 40' okazis la Solena Malfermo de la 43-a Hispana Kongreso de Esperanto. En la podio sidis aŭtoritatuloj kune kun HEF-estraranoj. Tuj post la oficiala Malfermo, la Kongreson salutis reprezentantoj de diversaj nacioj; ja unu el la karakterizoj de la 43-a estas ĉeestado de multaj eksterlandanoj, kiuj internaciigis la etoson de la Kongreso.

La Programo de la Kongreso, kvankam eble ampleksa kaj ambicia, disvolviĝis glate kaj kontentige, pro kio oni nepre devas gratuli ĉiun LKK-anon. Ĉiu programero okazis sufiĉe akurate, kaj ĉiu havis sian apartan intereson. Tiel la parolado de S-rino Urueña pri la Kongresa Temo, nome "Komunikado", kiel la Folkloro Festo, arte prezentita de la fama Grupo "Aragona Bastiono"; samkiel la viglaj diskutoj dum la Ĝenerala Kunveno de HEF kaj la interesegeaj Simpozioj, unu pri "Komunikado", la alia pri "Centjara Jubileo de Esperanto".

Unuvorte: la 43-a estis Kongreso, kiu nedubable plaĉis al ĉiu partopreninto; kiu espereble estu fruktodona kaj progresiga por nia enlanda Movado, kaj ĉe kies fino oni iomete melankolie adiaŭis unu la alian per forta ĜIS LA!... En Seviljoj

= 0 = 0 = 0 = 0 = 0 = 0 = 0 = 0 = 0 = 0 = 0 = 0 = 0 = 0 = 0 = 0 =

Jen la Konkludoj aprobitaj en la 43-a Hispana Kongreso de Esperanto.

1-e. - Profitante la partoprenon de Latinamerikaj reprezentantoj en la Kongreso, oni kongentas ampleksigi kaj intensigi la kontaktojn kun la Esperantistaj Organizaĵoj en tiuj landoj.

2-e. - Okaze de la Deklaracio de la Unuiĝintaj Nacioj pri la INTERNACIA JARRO DE KOMUNIKADO, la gesperantistoj konkludas, ke ne estas ebla internacia komunikado sen neŭtrala lingvo, en la diverspopolaj rilatoj.

3-e. - Konsiderante la bezonon ke la ekzamenoj de Esperanto atingu la plej altan nivelon, oni akceptas starigi Universitatan Komisionon tiucele.

4-e. - Intensigi la komunikadon por plibonigi la interrilatojn inter la diversaj generacioj de esperantistoj, profitante la sperton de la veteranoj kaj la vigecon de la gejunuloj.

5-e. - Gratuli la Universitaton de Santiago de Compostela kaj Profesoron Alonso Nuñez kaj komisi la Estraron de HEF por la realigo de la Internacia Preuniversitata Kurso pri Matematiko, Kemio kaj Fiziko en Esperanto.

6-e. - Plibonigi la helpon de la esperantistaro al la Organizaj Kongresaj Komitatoj por ke ili povu realigi pli fruktodonan laboron.

7-e. - Starigi Jubilean Komisionon por la Centjara Datreveno de Esperanto, okazonta en 1.987-a, kiu inde preparu tiun eventon.

... / ...

... / ...

8-e. - Esprimi nian dankemon al la Aragonej aŭtoritatuloj, precipe al la Zaragoza urbestro; Provinca Delegacio de la Ministerio pri Transporto, Turismo kaj Komunikado; Ŝparkaso de Zaragoza, Aragón kaj Rioja; Ŝparkaso "La Inmaculada", kaj ceteraj instancoj kaj personoj, kiuj efektivigis ĉi tiun Kongreson.

= 0 = 0 = 0 = 0 = 0 = 0 = 0 = 0 = 0 = 0 = 0 = 0 = 0 = 0 = 0 =

Dum la lasta dumonata periodo nia Asocio montriĝis tre vigla, kvankam bedaŭrinde kaj kiel kutime, dank' al sinofero fare de nur manpleno de gesamideanoj.

La Estraro, tiucele kunvokita, vigle diskutis pri la Esperanto-Kursoj por la lernoĵaro 1.983/84. Oni decidis malfermi la Elementan Kurson en la 17-a de Oktobro, kies gvidanto estas (vi ja ĝuste divenis!) nia s-ano kaj Prezidanto Santiago Mulas Gallego. La klasoj okazos lunde, merkrede kaj vendrede, de la 20-a ĝis la 21-a horoj, en klasĉambro de la Katedro "Jovellanos" de Universitata Disvastigo, sidejo de nia Asocio. Kiel lernolibron oni elektis "Junul-Kurso" Pri la Perfektiga Kurso oni alprenis la jenajn decidojn: Komenco la 18-an de Oktobro; tagoj marde kaj ĵaŭde; horaro de la 20,15 ĝis la 21,15 h., kaj lernolibro "Nuevo Método de Esperanto". Jes. Vi pravas. Gvidanto s-ano Adonis González Meana.

La Elementan Kurson ni antaŭtempe anoncis per allogaj dukoloraj afiŝoj, kiujn ni lokigis en diversaj montrofenestroj de nia urbo. Ankaŭ Radio Gijón informis pri nia Kurso, samkiel la loka Ĵurnalo. Tamen, tri tagoj antaŭ ol la oficiala malfermo de la Kurso, nur UNU persono estis aliĝinta ĝin! Memkompreneble, ni estis iom malkuraĝigitaj. Sed, la unuan tagon jam ĉeestis dek gelnernantoj kaj poste aliĝis ankoraŭ tri; do, nun tiu Elementa Kurso estas instruata al, ni povas diri, ideala nombro da gelnernantoj.

La Perfektigan Kurson partoprenas ok entuziasmaj gesamideanoj, kiuj, esprimeble, baldaŭ vigle parolos Esperanton.

Grava fakto, laŭ propaganda vidpunkto, estas disponigo al nia Asocio, fare de la Direkcio de la Komerca Ĉambro de Gijón, de stando en la urba Foirejo. En tiu stando ni informos pri Esperanto dum la daŭro de la tiel nomata "Mercapla-na" Por-Infana Vintra Salono, de Oktobro ĝis Aprilo, kiu estas malfermita sabato, dimanĉe kaj festotage.

En nia stando kaj en la menciitaj tagoj oni povas vidi kaj foliumi esperantajn librojn kaj revuojn, afiŝojn, bildkartojn, ktp. Ankaŭ estas aĉetebblaj lernolibroj, vortaroj, k.s.

Super la stando, kaj videbla de ĉiu angulo de la Foirejo kaj el ekstere, flirtas nia Flago. Kaj ĉe la lintelo, sur granda tabulo, oni povas legi en Esperanto kaj en hispana lingvo "ESPERANTO, unu lingvo por ĉiuj".

Ankaŭ estas farataj nun preparoj por la alproksimiĝanta "Zamenhof-Tago", kiun ni festos la 18-an de Decembro ĉi-jara, okaze de la 124-a datreveno de la naskiĝo de nia Majstro.

Por tiu evento estas nia intenco realigi iomete ambician programon, kiu certe plaĉos al ĉiuj kaj pri kiu ni informos siatempe. Sed, por ke nia programo, krom plaĉa kaj interesa, estu brila kaj sukcesa ni bezonas vian kunlaboron per ĉeesto en la koncertaj aktoj. Do, ni kalkulas je vi.

= 0 = 0 = 0 = 0 = 0 = 0 = 0 = 0 = 0 = 0 = 0 = 0 = 0 = 0 = 0 =

Ni memorigas vin pri tio, ke en nia Biblioteko estas disponeblaj diversaj libroj kaj revuoj per kies legado certe vi pliperfektigos en Esperano.

Ni informas al vi, ke en nia Sekretariejo vi povas akiri biletojn de la n-ro 17.084, de la Nacia Loterio, por la lotado okazonta la 22-an de Decembro en Madrido.

La vera komisa rejo



OFICIALA KOMUNIKO

La numero 33 de "HELECO" estis objekto de grava invado far la lingvoteroristoj ĉiaspecaj, kelkaj el ili venintaj el l'eksterlando. Tio devigis la membrojn de la nova taĉmento, t.e. "Verdastelo" resti en la distrikto de "HELECO" por kunlabori kun la tiea taĉmento "Zamenhof". Post intensa komuna deĵorado, ambaŭ efikegaj policanaroj sukcesis aresti konsiderindan nombron da tiaj deliktuloj, kies nomoj kaj fiagoj aperas en la jena listo.

ARESTITOJ EN LA PAĜO 3^a

La t.n. BASENOJ, kiu uzurpas la rolon de s-ro NAĜEJOJ en la 10^a linio.

La t.n. TREJNADO, kiu, post uzurpado de la funkcio de sia parenco TREJNIGO en la linio 14^a, ripetis la saman fiagon en la linio 35^a.

La t.n. NOME, kiu, post uzurpado de la posteno de la skipo EN LA NOMO DE en la linio 29^a, ripetis tiun saman delikton en la linio 45^a.

La t.n. NAĜANTINO, kiu, en la sama linio, uzurpas la taskon de s-ino NAĜISTINO kaj, poste, adaptiĝinte al la cirkonstancoj por alpreni de la finaĵo j, ripetis similan fiagon en la linio 34^a.

La t.n. SIAJ, kiu, en la linio 35^a, uzurpas la okupon de s-ro SIAJ.

Krom tio, oni daŭre serĉas s-inon SĪ, kiu neklarigeble forestas inter aŭ apud s-roj ANKAŬ kaj PARTOPRENIS en la linio 32^a.

ARESTITOJ EN LA PAĜO 5^a

La t.n. AVANTAĜOJ, kiu, en la linioj 6^a kaj 7^a de la unua kolumno, kuŝas neleĝe alpreni la finaĵon "n".

La t.n. TEDIGAS, kiu en la sama kolumno, linio 8^a, uzurpas la profesion de sia parenco TEDAS.

La t.n. SIA kaj SUBSKRIBO, kiuj, en la kolumno dua, linio 1^a, ne portas la devigan finaĵon "n".

La t.n. SENLABORA kaj MASONISTO, kiuj, en la sama kolumno, linioj 4^a kaj 5^a, sin ornamas neleĝe per la finaĵo "n".

La t.n. MOVIGI, kiu, en la sama kolumno, linio 52^a, uzurpas la metion de s-ro MOVI.

ARESTITOJ EN LA PAĜO 7^a

La t.n. NOMIGIS, kiu, en la linio 13^a uzurpas la agadon de s-roj ESTIS kaj NOMATAJ.

La t.n. BILDOJ, kiu, en la linio 17^a aperas sen la deviga finaĵo "n".

La t.n. TURNIGIS, kiu en la linio 18^a, uzurpas la lokon de s-roj SIN kaj TURNIS.

La t.n. ARMIULOJ, kiu, en la linioj 20^a kaj 23^a, uzurpas la taskon de s-ro ARMITOJ.

(daŭrigo sur la 5^a paĝo)

Epokfaranta Evento

En la kadro de la ĵus okazinta 43-a Hispana Kongreso de Esperanto, en Zaragozo, fondiĝis FONDAĴO " L.K.K.K.K. " (La Kongresano kiu konstante kontraŭstaras).

Gvidprincipo de ĉi tiu Fondaĵo konsistas je tio, ke ĉiuj decidoj NEPRE devas esti akceptitaj "unuanime". Tamen, tiu ĉi Principo - ne prezentas gravajn malhelpojn, ĉar la koncernan estraron konsistigas nur UNU persono (ja tiel "UNU-anime"), kiu "unuanime" elektiĝis kiel Prezidanto, Sekretario, Kasisto kaj Ge-komitatanoj (ne ekestu - konfuzaj pensoj pro tiu "Ge" !).

Kunveninte tuj post ĝia fondiĝo, en la sama "kadro" de la Kongreso sed en aparta anguleto, FONDAĴO "L.K.K.K.K.", kies ĉefa celo estas spronigi "ĝis-mortan-sindediĉon-en-servo-de-Esperanto", unuaniĝe aljuĝis la premiojn "Lo-Kvar-Ko 83".

Premiitaj personoj kaj koncernaj premioj estas jenaj:

1-a Premio, STELO EL ĈOKOLADO, al S-ino.Rafaela Urueña Alvarez.

2-a Premio, STELO EL ORANGO, al S-ro.Viktor Ortiz Gratal.

3-a Premio, STELO EL CITRONO, al S-ro Luis Hernández García.

Tiujn supre menciitajn premiojn, kvankam ĵam aljuĝitaj, oni transdonos al la distingitaj personoj, dum Solenega Akto, en la kadro (ĉiam oni tiajn gravajn aĵojn devas dece "enkadrigi" !) de la 44^a Hispana Kongreso de Esperanto, okazonta en Seviljo, kaj laŭeble precize EN LA 18-a DE JULIO !

ESTRARO DE FONDAĴO "L.K.K.K.K."

(daŭrigo de la 4^a paĝo)

La t.n. TIE, kiu, en la linio 24^a uzurpas la netion de s-ro TIEL.

ARESTITOJ EN LA PAGO 8^a

La t.n. FAJRQJ, kiu, evidente kontraŭleĝe, aperas en la linioj 2^a kaj 3^a sen la deviga finaĵo "n".

La t.n. ETEIDIGITAN, kiu, en la linio 14^a, akaparas la oficon de sia parenco ETEIDIGANTAN.

La t.n. EKGJIGIS, kiu, en la linio 17^a, uzurpas la netion de sia parenco EKGJIS.

La t.n. MALSUPRE, kiu, en la linio 19^a tute neleĝe portas la finaĵon "n".

La t.n. LEVI GINTE, kiu, en la linio 37^a, akaparas la taskon de s-ro LEVANTE.

ARESTITOJ EN LA PAGO 9^a

La t.n. GOJIGIS, kiu, en la linio 1^a, uzurpas la rolon de s-ro EKGJIS.

La t.n. SANIDEANA kaj SALUTO, kiuj aperas en la linio 7^a sen la deviga finaĵo "n".

La t.n. PERSONA kaj KONATULO, al kiuj okazas same en la linio 14^a.

La t.n. DEPARTAMENTO, kiu, en la linio 20^a, akaparas postenon de s-ro DEPARTEMENTO.

ARESTITO EN LA PAGO 11^a

La t.n. PORCIGU, kiu, en la linio 12^a, uzurpas la oficon de aliulo, ekzemple, s-ro DISTRANĈU.

Doninte al ĉiuj supre menciitaj deliktuloj po kvin batojn per la verda stelo (po unu bato por ĉiu stelpinto), ili estis liberigitaj.

LA KONISARO
A1. ZIBJADO

Miaj Geamikoj el....

....Bulgario

" EL LA MUZIKA PASINTECO DE GABROVO "

Stefan Prodanov, Kina Prodanova

ANTAŬPAROLO

Esplorado de la kultura historio de Bulgario estas grava kaj urĝa tasko, kiu antaŭlonge atendas sian solvon. Ĝi estas kunligita nedisigible kun universala - kaj politika historio de nia lando kaj povas doni plenan imagon pri la specifaj karakterizaĵoj de la nacio, de tiuj trajtoj, kiuj difinas la karakterizon de nia popolo.

Speciale la historio de la bulgara muzika arto estas unu neplene kaj nesufiĉe disvolvita sfero, kie la manko de fidindaj sciigoj kaj faktoj kaŭzas "vakuaĵon", kiu devas esti plenigita. En tiu aspekto la libro "EL LA MUZIKA PASINTECO DE GABROVO", de Stefan Prodanov kaj Kina Prodanova, reprezentas valoron, kiu lumigas gravajn historiajn momentojn, ne nur el la historio de Gabrovo, sed ankaŭ el la historio de la bulgara muzika kulturo. La riĉa kaj ordigita faka materialo enhavas gravajn informojn, kiuj ne troviĝas en ekzistantaj ĝis nun verkoj pri la historio de la bulgara muzika kulturo. Eĉ plie: iuj neekzaktaĵoj kaj faktoj, kiujn enhavas similaj verkoj, povas esti korektitaj per historiaj ekzaktaĵoj en la libro "EL LA MUZIKA PASINTECO DE GABROVO".

Speciale interesaj momentoj kaj faktoj estas: enkonduko de la kantado kiel deviga lernobjekto, unua sistema kolekto de bulgaraj popolaj kantoj de V.E. Aprilov kaj unua instruisto en Gabrova lernejo Neofit Rilski, kanta talento de la disvastigantoj de la bulgara revolucia spirito, informoj pri unu el unuaj bulgaraj orkestroj, pri unu el la unuaj bulgaraj muzikaj gazetoj "Harmonio". Specialan akcenton meritas la ĉapitroj dediĉitaj al la laborista, partizana kaj politika - malliberula muzika amatora agado.

Estas farita grandega esplora laboro, kiu reliefiĝas la signifon de Gabrovo kiel unu el la plej malnovaj kulturaj centroj de Bulgario, kun eksterordinare grava rolo en ĝia kultura disvolviĝo. Specialan intereson prezentas granda nombro da fotografaĵoj kiel ilustra materialo.

(daŭrigo sur la 8^a paĝo)

Pentroarta kritiko

"Hodiaŭ ni troviĝas antaŭ specimeno de la homa talento, kiu pere de la pentroarto montras la diversajn kaj specia lajn aspektojn kaj facetojn de la kulturo. La pentroarto estas unu el la signoj plej trafaj por montri la evolucion de la homo kaj ĝiaj ĉirkaŭaĵoj. La pentroarto estas la historio mem de la homo, ĝi estas plastika vidaĵo de la homa kapableco. La pentroarto estas la plej bona libro malfermita al la venontaj generacioj.

Nu, jen ĉi tiu pentraĵo. Oni devas ĝin atente trarigardi kaj analizi. Antaŭ ĉio la artisto deziris reliefigi la forton de la farboj, kiel specimeno de la naturo kaj ĝian influon en la vivo de la homo. Se vi atente rigardas ĉi tiun artan pentron, tuĵ vi altiros la konkludon pri la grandioza talento de la artisto. Ĝia na kvazaŭ pere de ĉi tiu farba miksaĵo la artisto volus translokigi la belecon de la naturo en ĉi tiun tolaĵon. Tiuj al tiraj koloroj, kiuj fiksas niajn okulojn estas la forto de la lumo, kiu ligas kun la ĝusta kaj ekzakta pozicio de la pentraĵo, montras al la homo la rolon de la arta pentrado kiel ilo de komunikado inter la homaj estaĵoj.

Eble por iuj personoj ĉi tiu pentraĵo havas nenian signifon. Por ĝin kompreni plej bone ni devas profundiĝi en la menson de la artisto kaj de lia skolo. La abstrakta stilo estas unu el la plej grandaj plastikaĵoj esprimoj, ĝia enhavo estas pura, ne makulita per neniu senva


lora kaj palpebla ordinara substanco. La rigardanto havas, antaŭ la abstrakta pentro, la kampon liberan por ke lia imago vagadu tra la diversaj pensomaniĝoj kaj gustoj, kiuj nestas en la subkonscio de ĉiu amanto de la pentroarto. La artisto de la abstrakta stilo unike, sole, montras voĵeton en la granda arbaro por ke la studemulo de ĉi tiu pentrosistemo analizu kaj proprasparte malkovru la valoran talenton de la artisto.

Sed ni revenu denove al la majstra specimeno de nia hodiaŭa artisto kaj konkrete ni daŭrigu la studo-analizon de la jam parte priparolita pentraĵo, ĉar ĝi estas la kulmino de la pentra kapableco de nia amiko. Nu, ni povas konstati, ke la artisto tute intence rondigis la figuron aŭ formon de la pentraĵo, kio jam havas klarigon: efektive ĝi montras la teran sferon, kio ŝajnas, kvazaŭ la artisto volus alproksimigi la universon.

Evidente tio jam estas ideo, kiu restas for de la homa kapableco, sed jen fakto de la senmezura esprimado pere de la arta pentro. Tiu bulo, malgraŭ ĝia grava rinda signifo estas lokita en kvadrata tolaĵo. Kial? Por la artisto la kvar anguloj tute blankaj estas fenestroj de la vivo tra kiuj venas la ekstera lumo. Ĝi estas kanto al la vivo kaj, ĉu vi povas imagi la efektojn vidan kaj spiritan, se tiuj kvar anguloj aperus nigre pentritaj? Por la artisto venas tra tiuj kvar blankaj anguloj, la suno, la luna forto, kiuj donas vivon al la pentraĵo.



Fakte, ni povus dum longa tempo eksplikadi la artajn valorojn de ĉi tiu verko. Ĝia entuta enhavo estas tiom grandioza, kaj ĝi enhavas ĉiujn konceptojn pri la homa vivo, pri la naturo pri la universo. Permesu, ke mi iomete parolu pri la - laŭŝajne nelogika; hazarda aŭ kaprica uzado de la farboj. La artisto ne intencas klasifiki la kolorojn, kvazaŭ ĝi estu flago de iu nacio, kie ĉiu koloro havas sian difinitan lokon absolute neŝanĝeblan. Tiu ne orda distribuo de la koloroj estas unu el la plej geniaj nuancoj de la artisto. Ĉu la naturo ne estas senmezura miksaĵo de ĉiuj koloroj ekzistantaj aŭ - konataj de ni?



Resume, jen grava arta verko, kiu montras novan formon por rigardi kaj analizi nian opinion kaj filozofion pri la vivo. Ĝi efike helpas nin koni la medion, en kiu disvolviĝas nia ĉiutaga batalado kaj la diversaj naturaj fenomenoj, kiuj estas parto grava kaj tre influa de nia karaktero. Tiu ĉi pentraĵo estas kiel spegulo kie reflektiĝas nia propra vivo prokio unike dependas de ni, ĉu ni estas

kapablaj koni nin mem. En tiu senco ĉi tiu pentraĵo estas la plej granda helilo, kiun vi povas trovi. Nur de ni dependas ĝian ĝustan interpretadon kaj analizon".

Tiamaniere parolis la kritikisto pri pentroarto, apud la pentraĵo.

LUIS SERRANO PEREZ

SABADELL

(daŭrigo de la 6^a paĝo)

En la verko impresas ankaŭ alia cirkonstanco, kiu havas specialan signifon por nuntempa leganto. La aŭtoroj konstatas profundajn ligojn de nia kulturo, kun rusa kulturo, enfazas ĝian signifon kaj influon en la procedo de maturiĝo de nia nacia konscio, kiel unu el la apogoj de la bulgara revolucia spirito. Konvinke kaj kredinde - estas malkaŝitaj la vojoj, sur kiuj penetras kaj fortikiĝas la influo de la rusa kulturo kiel potenca faktoro, havinta grandegan rolon, kies profunda senco estas de speciala signifo por nuna momento.

Altvaloraĵ sciigoj pri la Ĥora agado en Bulgario, ekkreiĝo de la profesia muzika arto kaj speciale la interesaj pensoj pri la popola kanto kompletigas ĝeneralan karakterizon de la verko "El la muzika pasinteco de Gabrovo" enhavas, ne nur valorajn historiajn informojn, sed ankaŭ kernon de scienca esplorado. La publikigo de tia libro estas utila por la komuna afero de la bulgara nacia muzika kulturo.

BOJANA PRODANOVA

[A K R O S T I K O]

Iu pli li laboras, des pli li mirigas.
Unika li estas por iu ajn tasko.
Lerteco simila nin ĉiujn instigas
Imiti lin ĉiam (**P**or nia fiasko!!).
Obstakloj forestas en lia laboro.

Aktivas li ĉie efike sen peno.
Reale, li vivas en daŭra deĵoro,
Giganta vogleco, sindona sinteno,
Utilon donanta al nia **M**ovado.
Ekzemplo li estas de samideano
Luktanta por venki, per digna strebado,
La barojn survoje al paca lontano.
Ekkiu, honore al tia agado:
Saluton, amiko de tre lerta mano !!!

Alcibiado

Perán, 1983.09.16



KUIRANTE KUN PILAR

MAKARONIOJ KUN FROMAĜO

INGREDIENCOJ: 140 g. da makaronioj.

60 g. da butero aŭ margarino.

6 supkuleroj da raspita fromaĝo.

pipro kaj salo.

lakto.

paneroj.

Pecigu la makaronioj kaj metu ilin en kaserolon ;
kovru ili per sufiĉe da salumita akvo.

Kuiru kaj kuiretu ĝis moliĝo; deprenu la akvon tra
kribrileto.

Aldonu 30 g. da butero aŭ margarino, salon, pipron
kaj 3 supkulerojn da fromaĝo; miksu ĉion bone kaj aldonu
sufiĉe da lakto por malsekigi la tuton.

Metu en buterumitan bakpladon, surŝutu la restan-
tan fromaĝon la panerojn kaj malgrandajn pecojn da bute-
ro.

Baku ĉion en bakforno varmigita je alta temperaturo,
ĝis orbruneco.

BONAN APETITON !